

審陽縣志

瀋陽縣志卷之二

職官


縣公署

附地方捐務處

東文夜課講習社

警務公所

勸學所





瀋陽縣志卷之二

職官

粵稽古制岳牧親民黔甦用保守令斯尊治具滋張絲棼網密鞅掌簿書勞心撫字  
既煩其職韞康厥功民若好惡宜諗涕從隱通肺腑銘永戒石惻愍希風廼歌甯一

述職官

縣治爲有清留都置守以後生聚日繁政事日密然或統於部曹或轄於臺郡或綜之京尹  
或典之倅丞或爲八界所專司或爲兩縣所分理三權雖云並集而六職各受其成陪京規  
度秩乎備焉洎易行省布憲謨新舊官衙更迭裁替舉庶務之無所麗屬者皆以縣署爲歸  
墟而官事遂有難攝之歎矣共和奠定三級制興守牧益重絜治績之要如董警察以靖閭  
閻昌教育以蔚髦士正供弗求餘羨飛芻必審入中正經界以遏蹊田之牛誥姦慝以去害

羣之馬凡茲首邑所擘畫實作諸州之準繩加以新約既成雜居無禁自時厥後中外之接處益近卽上下之因應愈煩故先慎其授受蘄寡乾餽之愆習其言文共輯敦槃之好是則一人若將求備百里夫豈易才敷化承流牖民正俗臚舉其職司責守之所在亦可得制治清濁之本原已

### 縣公署

瀋陽縣公署

駐懷遠門內清府丞公署舊趾清順治十四年以瀋陽爲奉天府置府尹康

熙四年增置承德縣今署西政治研究所卽舊治光緒二十七年增設興仁縣中分承德屬境以東半部劃隸新治設縣署於內治門內三十一年十一月復設奉天府駐今縣署裁府尹置知府統州二縣八曰遼陽州復州海城縣蓋平縣遼中縣本溪縣鐵嶺縣開原縣撫順縣本縣隸焉三十四年五月復省興仁改置撫順舊屬迤東村屯丁賦撥歸新治

管理宣統三年二月民政部通咨各省裁併同城州縣移欵充審判廳經費遵將承德縣員缺裁撤一切事務歸併奉天府辦理民國元年六月奉政府通令改知府爲知事二年一月遵奉政府畫一各縣行政官廳實行改組舊有府廳州一律改稱爲縣教令改奉天府爲奉天縣置知事是年四月奉天行政公署以省縣同名義有未協令復承德舊名旋經叅事會建議以舊名與直隸之承德重複請改稱瀋陽縣是年五月經省長交由省議會議決咨部覆准公布乃定今名署內原設六曹兩房曰吏外曹曰戶商曹曰禮學曹曰兵警曹曰刑曹曰工曹曰承發房曰號房光緒三十三年間改曹爲股併承發房歸吏外股改號房爲收發處宣統三年改組四科曰統計曰執法曰行政曰會計民國二年復改爲第一第二第三三科三年一月經知事趙恭寅組織總務科一分股二處七曰行政股曰會計股曰收發處曰文卷處曰徵糧處曰驗契處曰稅契處曰車捐處曰婚書處依照



預算置科長一科員二技士一僱員十一差遣隊兵目一衛隊八本署辦公房屋共計七十六楹常年額支經費一萬三千七百四十八圓

地方收捐處 附設縣公署內清宣統元年創立初爲警學收捐處專司徵收縣屬畝捐民國初元改由縣叅事會經理二年二月改爲地方自治收捐處旋因自治停辦歸併縣署辦理經今知事趙恭寅設立今處置委員一僱員四綜核捐款出納併於四路設分處四各置收捐員一僱員共十催徵各該路捐款常年經費遵照財政廳定章由畝捐千分之十五項下開支約需一千八百餘圓

東語夜課講習社 附設縣公署內民國四年五月今知事趙恭寅創辦以造就本縣在職警學政各界人員諳習日語以便交際爲宗旨經理員二由縣署科長教育所長兼充講員一學員一百常年經費一千七百四十六圓

歷任知縣

李翼鵬

順天大城人舉人康熙四年任

多宏安

直隸阜城人拔貢康熙四年任

胡藥嬰

直隸贊皇人拔貢康熙十三年自鍛鑄陞

傅星

遼陽人廕生康熙十年任

錢霞

浙江嘉善人進士康熙二十年任

章經

浙江富陽人康熙二十一年任

曾大升

福建侯官人舉人康熙二十三年任

張可立

浙江烏程人康熙二十四年任

鹿廷瑄

河南商邱人康熙二十九年任



史晟

廣東饒平人  
舉人  
康熙三十三年任

李文淵

漢軍正紅旗人  
康熙三十五年任

李尙隆

漢軍廂紅旗人  
康熙三十九年任

李渥

山東壽光人  
康熙五十年自開原陞

吳正心

浙江海鹽人  
康熙五十六年任

李可案

山東長山人  
雍正六年任

蔡書升

江南吳縣人  
雍正十年任

陳綱

江南宿遷人  
雍正十二年任

黃永耀

順天大興人  
乾隆元年任

胡世仁

漢軍廂藍旗人  
乾隆二年任

榮大成

湖南零陵人貢生  
乾隆十一年任

黃開泰

福建閩縣人監生  
乾隆十一年任

富昌

滿洲正黃旗人舉人  
乾隆十八年任

德克精額

滿洲廂黃旗人進士  
乾隆三十一年任

慶齡

滿洲廂白旗人舉人  
乾隆三十六年任

福綱

滿洲廂白旗人  
乾隆四十年任

景順

滿洲廂紅旗人  
乾隆四十一年任

覺羅文良

滿洲正藍旗人  
乾隆四十四年任

袁振瀛

文景

胡紹祖

章朝勅

保定

慶岳

朱克揚

談廣慶

張丕基

樊學賢

金作勳

榮禧



達崇阿

蘇思溫

盛昌華

陶守愚

鄭錫華

范貴良

祥瑞

劉朝鈞

增鑑

李延祐

黃毓森

祥德

涂景濤

馬俊顯

王荷

程世榮

孟憲彝

陳正源

唐宗源

楊紹宗

都林布

金正元

字選珊本縣人  
甲午科舉人

忠林

於宣統三年裁缺交卸  
凡後遂改為奉天府

孫葆璿

福建侯官人舉人奉天知府  
宣統三年十一月任

劉宗誠

順天府寧海人監生奉天府  
知府民國元年三月任

趙恭寅

浙江紹興人監生奉天府知府  
民國二年一月任本年四月改授縣缺

按本署舊存卷宗經庚子變亂遺失近年檔案當裁缺後送交奉天府保存宣統三年府

衙庫房因雨倒塌各卷霉爛殘缺歷任職官題名難以檢查罣漏之譏知所不免讀者諒

之

警務公所



瀋陽縣鎮鄉警察事務所 駐內治門外疊道西清光緒三十一年創辦初爲奉天鄉鎮巡警總局宣統元年四月由本縣監督辦理改爲鎮鄉警務局嗣復改爲鎮鄉警務公所民國二年五月改定今名詳見民治門所長一設總務司法兩股正副股員各二稽察二巡官一繪圖生一書記長一書記生六探訪隊長一差遣隊長一馬警二十步警十車站派出所巡長一步警五辦公房屋三十二楹常年經費一萬六千八百圓有奇

瀋陽縣警察教練分所 設立警察事務所後胡同民國五年三月春今知事趙恭寅遵飭籌辦抽調四區在職巡官長警分班入所肄業所長一由警察所所長兼充管理員二日語教員一正教員一副教員三學生一百六月畢業常年經費由警款撥節項下開支

清光緒三十一年前鄉鎮巡警總局曾設官長補習班計畢業者六十名嗣設司法警察班計畢業者六十名三十二年復設五路教練所於各分區計畢業者二百名宣統

二年前承德縣設巡警教練所計畢業者九十六名先後停辦民國五年三月乃設今

所

因四年五月七日中日雜居約成嗣後交際日繁並注重肄習東文俾免遇事扞格

並遴派長警前往連埠見習警政

### 勸學所

瀋陽縣勸學所

駐德盛門內清儒學公署本縣舊有儒學書院官學義學社學之制科舉

既停通令各處興辦學校光緒三十年裁奉天府承改設學務處總司全省教育事宜翌

年本縣始設承興兩縣勸學所嗣以興仁移治撫順本所遂專爲縣治之教育行政機關

初置總董一中區勸學員一文牘會計各一學董四勸學員三十由警學畝捐主計兼充

分駐四鄉勸辦學校及收支學款宣統元年二月間改學董設查學員二專司勸辦調查

以資整頓十月間各區主計裁撤改委董事十六仍兼充勸學員十一月間中區勸學員

改爲縣視學二年八月間添委勸學員二三年二月遵照部章改總董爲勸學員長旋將

董事兼勸學員裁撤改委區學員十五旋於民國元年三月裁併復委各鄉董佐兼辦學務本所初設龍王廟內八月府學裁撤遂遷今地改勸學所爲教育公所改總董爲所長改勸學員爲事務員餘仍之三年八月添設社會教育事務員二四年五月奉巡按使通令規定縣視學規程縣視學遂改駐縣公署五年五月仍復勸學所原名本所辦公房屋十七楹常年經費七千八百三十元

### 學校教育

一師範 前光緒三十四年六月籌設暑假教員研究所四處計畢業者五百人宣統元年寒假期內設立教員補習科計畢業者一百人二年十月間設立師範簡易科計畢業者百人三年寒假期內設立教員補習科計畢業者百人民國三年五月設立師範簡易科已畢業者五十人